

# Pwekin college me kутten angang iei mei kawor fanitom.

## Mei wor pwekin college ika programun train afen kawor fanitom.

Ese namot ifan nonnomum, mei chok wor sokun program mei tongeni anisi met ekewe kopwe menci. Mei tongeni epwe echo certificate non pwekin om angang, ewe ruu-ier degree, pwekin kaeo ngeni och angang, ewe degree itan bachelor, ika ekoch pwekin tongeni.

## Pwekin college me train iei mei kawor fanitom—ika mo en chon poputa sefan ika keran poputa.

En mei sinei pun napenseni esop chochon non ei community college chon sukun pwan ew non ruanu chon university non muun Oregon ren ekewe undergraduates ir mei napenseni ier 25? Ese tongeni kopwe era nge ka mang om kopwe angei noum degree ika certificate, ika awesi ew sokun programun train! Naman ka fen poputa, nge kose awesi. Naman en mei ekiiki kopwe apply, nge ka ekiiki nge kose naaf ngeni. Ese pwan nifnifin meni aan ka fiti, mei wor ekewe anan.



Ngang uwa pwarata pun uwa tongeni angei nei degree esap chok fanitei pun faniten nei kewe semirit. Ngang uwa mochen upwe tori ei koukun faniter pun repwe sinei pun en mei tongeni kopwe sopweno ian ewe ka kouno me ie iwe ka tongeni fori manauom ngeni met ka mochen.



Ngang uwa kaeo ngeni pwekin aiwe angang pun uwa mochen epwe watte niwini ai upwe tumunu ai family, pwan fori met non ai we angang ngang mei fokun sani.

## Echo degree ika certificate epwe anapano pwekin om angang me moni tonong.

Ewe college me programun train e punguneni om pwekin epwe tongeni anisuk om kopwe kunokun angang mei watte niwinin, anapano wisom non om iwe pwekin angang ka fen nom non, ika poputani ew minafon pwekin angang.

## Pwekin college me train mei tongeni kuchunong non kokkotun nonnomum me om fansoun iteitan ran.

Angang full-time? Ochupa sukun me tumun semirit? Chommong wisom non family? An Oregon kewe community college me university mei awora pwekin sukun online, pwan wor nenier won unusen ewe state, pwan awora pwekin program mei part-time ika full-time ren met kopwe menci.

**Esap ew chok anen om kopwe emon chon sukunen college. Kutta ewe an mei fich ngonuk.**

Chon angangen non college mei tongeni anisuk ne fini meni program a kon fich ngonuk, kutta aninisin pwekin moni, kutta ifa usun om kewe credit minen nom epwe tongeni amweteno ian, pwan awesi noum degree ika certificate.



Ewe aruan fansoun niwiniti college, ngang uwa mefi moneta. Uwa kon fatefateoch. Uwa emwitanong nei application ren ewe aninisin moni iwe uwa fen kini ekoch namotan aninisin. Iwe nupwen uwa tori, chufengen me ekewe chon sukun mei chok usui, angang won ekewe degree ren meni pwekin use fen mo pwan ekieki ngeniej, usun pwekin computer science pwan pwekin pioing, uwa mefi pwe mei chommong pwekin tongeni fanitei. Ika ra tongeni, ngang mei tongeni!



Pwekin High school mei weires ngeni ei. Ngang use okonomu college non ai ekiek. Nge nupwen uwa wesetan fiti ewe class, uwa fen winiti ewe aramas chon eitietia pei, ponueni ekewe kapwas eis. Menom ngang use sinei met ai tufichin tongeni!

**Ekewe aninisin pwekin moni mei tongeni efisata om kopwe naaf ngeni niwinin pwekin om sukun me train.**

Ekewe pwekin Scholarships me grants mei kawor an epwe anisuk om kopwe naaf ren niwinum non sukun, mon book, me ekewe ekoch pwekin.

Ew me ew ier, ewe Muun Oregon State ekan awora napeseni \$100 million non pwekin grants ngeni chon sukun pwan awora napeseni 600 pwekin scholarship esap an muun.

- Awesi noum Application ren ewe Federal Student Aid (FAFSA) ika ewe Oregon Student Aid Application (ORSAA).
- Kutta pwan apply ngeni ekewe grants me scholarship noun muun state ka tongeni nounou me ren ewe OregonStudentAid.gov.
- Porouse ngeni ewe ofesin aninisin moni non ewe sukun ika program ka sani.

**Porouse ngeni noum advisor ika nongeni [oregon.gov/highered](http://oregon.gov/highered) om kopwe sineiochu ekewe tichikin porousen ren ekewe pwekin.**